

Powšitkowne WOZJEWJENJA

njedźelu, 1. julija 2012

Zetkanje ministrantow, kotriž pojedu do Zakopaneho

Wšitcy ministranća, kotriž pojedu w awgusće na kubłanske dny do Zakopaneho, přeprašuje Towarstwo Cyrila a Metoda na zetkanje, kotrež budže sobotu, 14. julija, wot 9 do 12 hodž. w Chróscicach na farje. Wobdželenje wšitkich je jara wažne, dokelž zhonja tam wšitke nadrobnosće kołowokoło kubłanskich dnjow. Nimo toho sprosředkuja so zakłady w pólsčinje.

Ministranća hraja kopańcu

Tradicionalny koparski turněr serbskich ministrantow budže sobotu, 7. julija, w Pěskecach. Započatk je w 9 hodž. z Božej mšu we wjesnej kapałce. Mustwa njech so prošu hač do wutory, 3. julija, we Worklečanskim Don Boskowym domje pod telefonowym čislom (03 57 96) 8 87 07 přizjewja.

Koparski turněr hólčich a holčich młodžinskih mustwow

Lětuši koparski turněr serbskeje dekanatneje młodžiny budže sobotu, 14. julija, w Pěskecach. Zakop je w 10 hodž. Hraje so ze šěsć pólnymi hrajerjemi a wrotarjom. Mustwa – hólče kaž tež holče – měli so hač do pónđzele, 9. julija, w běrowje dekanatneho dušepastyrstwa we Worklecach přizjewić, telefonowe čisło (03 57 96) 9 55 95.

Swójbne popođnjno na Kukowskim hrodźišću

Dekanatne dušepastyrstwo přeprašuje na swójbne popođnjno njedźelu, 8. julija, na Kukowske hrodźišće. Nyšpor zahaji so w 14.30 hodž., kotryž šole a džěci ze serbskich wosadow wobrubja. Přizamknu so swačina a wšelake poskitki. Džěci změja mjez druhim móžnosć, sej z hajnicu Christinu Handrikowej Božu stwórbu wotkrywać, hry hrać a so na wšelakore wašnje zaběrać. Za młodžinu a dorosćenych poskića so wšelake workshopy ze serbskimi duchownymi.

Putnikowanje do Krupki

Na pěše putnikowanje do Krupki su młodostni ze wšěch wosadow tež lětsa zaso přeprašeni. Procesion woteńdže njedźelu, 29. julija, z Chróscic a wróci so pjatk, 3. awgusta. Zajimcy měli so najpozdžišo hač do pjatka, 6. julija, w Chróscicach na farje přizjewić, telefonowe čisło (03 57 96) 8 04 00. Zhromadźizna putnikow je njedźelu, 8. julija, po nyšporje na Chróšćanskej farje. Štóž so přeni raz na putnikowanju wobdžěli, njesmě na nej na žadyn pad pobrachować. Boža mša w Krupce budže srjedu, 1. awgusta, w 10 hodž.

Pěši do Częstochowy a zetkanje putnikow

Tež lětsa pozbudža farar Beno Jakubaš, so w serbskej skupinje na putnikowanje z Warszawy do Częstochowy podać. Hić smě kóždy sobu, kotryž je 18. žiwjenske lěto docpěl. Termin putnikowanja je wot 5. do 15. awgusta. Zetkanje wšitkich putnikow budže štwórtk, 5. julija, w 20 hodž. na Njebjelčanskej farje. Hač do toho je poslednja móžnosć so pola fararja Bena Jakubaša w Njebjelčicach, telefonowe čisło (0 35 78) 30 20 05, za putnikowanje přizjewić.

Lětni koncert w Radworju

Chór Meja přeprašuje wšitkich zajimcow na swój tradicionalny lětni koncert njedźelu, 15. julija, na zahrodze před Starej cyrkwičku w Radworju. Wot 15 hodž. poskići so swačina. Koncert zahaji so w 16 hodž. Nadrobnosće wozjewja so za tydžeń.

Wosebity koncert z tójšto njeznatymi serbskimi twórbami

We wobłuku Łužiskeho hudźbneho lěča zarjaduje město Budyšin wulki serbski koncert, kotryž budže njedźelu, 8. julija, w 19.30 hodź. w Němsko-Serbskim ludowym dźiwadle w Budyšinje. Sobuskutkować budu mjez druhim Daniela Hazec a Tanja Donatec kaž tež chóraj Serbskeho gymnazija a Serbskeho ludoweho ansambla, chór Budyšin a za tutón program zestajany projektowy muski chór. Cyłkowny wuměłski nawod změje Friedemann Böhme. Wosebitostka programa su instrumentalne a wokalne čisła serbskeje hudźbneje kultury spočatka 20. lětstotka, kotrež so zhubichu přez fašistiski zakaz 1937 ze serbskeho zjawneho žiwjenja. Zaklinča tak kompozicije Jurja Słodeńka, Arnošta Frajšlaga, Bjarnata Krawca a Jurja Pilka. Wot poslednjeho mjenowaneho dožiwi twórba samo swoju prapremjeru. Budže to za nas džensnišich koncert takrjec noweje hudźby, wšako nchtó tutu njeznaje. Wosebitostka su Pilkowe wobdźěłanja a dramatizowanja serbskeje ludoweje hudźby, kotrež wubudźichu něhdy při swojej prapremjerje před wjace hač sto lětami pola wopytowarjow jubilejneho Mačićneho koncerta kaž tež při poswjećenju stareho serbskeho (mačićneho) domu euforiske „teptanje a sławuwołanje“.

M.Š.

Koncert w Kamjencu

Spěwar Gerald Schön, přewodžany wot Oksany Weingardt-Schön na piščelach, wuhotuje pónđzelu, 9. julija, w 19 hodź. koncert w serbskej cyrkwi w Kamjencu (klóšterska cyrkej). Zaklinča kěrluške Jana Kiliana kaž tež spěwy dalšich serbskich komponistow. Zawod do žiwjenja a skutkowanja Jana Kiliana poda Trudla Malinkowa.

Městno za swobodne socialne lěto

Chorownja swjateho Jana w Kamjencu ma hišće swobodne městno za swobodne socialne lěto. Požadać móža so zajimowani, kotřiž su młódši hač 27 lět. Štóž ma zajim abo hišće prašenja, njech zazwoni do Kamjenskeje chorownje, telefonowe čisło (0 35 78) 78 61 05 abo póscele tam swoje pisomne podłožki.